

四庫全書

集部

欽定四庫全書

文苑英華卷九百七十八

宋

李昉等

編

交舊一

祭荊州刺史陰道方文一首

祭處士仲長子光文一首

祭劉少監文一首

祭郝少保文一首

祭陸鄆縣文一首

祭汾陰公文一首

祭趙郎將文一首

祭梁宣王文一首

祭魯忠王文一首

祭汝南王文一首

祭杜學士審言文一首

祭揚盈川文一首

祭玉城門文一首

祭荊州刺史陰道方文

魏收

維太昌元年十二月庚申朔越十二日辛未友人鉅鹿
魏收謹以清酌少牢之饌敬祭于荊州刺史陰君之靈
嗚呼哀哉惟君世載不殞英聲在茲風流有屬自爾弘
之孝為行本忠實身基既言斯立罄禮窮詩器則清賞

才惟英博於暢風雷蕭條丘壑顧言朝市忘懷淡薄比
契沉冥均情寂寞往塵守官及爾同僚墳簏合韻琴瑟
俱調丹墀踵武清道齊鑣跡淪閑曠心共津濠乃眷平
生相忻多趣殷勤宴喜流連辭賦溢矣不追長遠世務
詠歌徒在音徽空樹昔猶肢體與子裘裳今其往也生
死殊方形骸何促天地何長申茲沃醑贈以哀傷嗚呼
哀哉

祭處士仲長子光文

王勣

歲月日隣人王勸

集作績

謹以魚醴之奠敬祭仲長先生

之靈曰明道若昧進道若退鳥飛知還龍亢必

集作若

悔

嗟嗟夫子理融其內不忤不求無憎無愛古人有言微

妙玄通藏用以密養正以蒙嗟嗟夫子允執其

集作厥

中

不見其始孰知其終蕩蕩心跡

集作止足

悠悠默語周覽人

事退居河渚何去何從誰求

集作棄

誰與聊同聚散亦均

寒暑大矣夫子其生若浮至矣夫子其死若休鄉黨不

懼朋友

集作友朋

不憂素琴猶在黃經尚留老來難

集作不

婚

梁鴻難偶筵無饋奠室無箕帚嗟嗟夫子豈圖其後金

玉滿堂莫為之守

集作道為之友

凡我故人素服臨旛葛巾從

窆桐棺以遷墳不易壠坎不及泉苟無怛

疑作恒

化于何

問天道性既喪仁義鋒起祭非古也禮之為始吾從其俗敢告夫子清樽薄奠神其歆止

為薛令作祭劉少監文

楊炯

中書令河東薛某謹以清酌中牢之奠敬祭故少監劉公之靈惟此陶唐有此冀方上天祚漢人神攸贊開國

承家枝分葉散三貂赫赫於臺省駟馬諛諛於里閭德
之有隣吐符兮降神家之積慶受祿兮宜君星躔可以

衝南越都邑可以賀

集作實

西秦言鄭公之不死謂張衡

之後身雍州為積高之地初登吏部尚書即喉舌之端
始拜郎官見天子而題柱侍明光而握蘭入麒麟之閣
圖書掌於河洛測璇玉之璣造化窮於制作大風積也
方絕於雲天有力負之生悲於溝壑嗚呼哀哉言念平
生求其友聲適我願兮其得朋從之道又吾姨也俱承

下嫁之榮良辰美景必窮於樂事茂林修竹每叶於高
情援菖蘭而無愧指金石以當行誰言倏忽遽隔幽明
人非兮地是心折兮骨驚卜日兮先遠陰靈凝兮歲將
晚臨平郊兮望行幃君一去兮何時返石室兮沉沉蓬
萊山兮寂又陰蒼烟漫兮紫苔深陳絮酒兮涕沾襟嗚
呼哀哉

詹事府官寮祭郝少保文
前人

少詹事鄧玄機永昌令令狐思府司直王思善楊炯主

簿鄭行該等謹以清酌庶飴之奠敬祭太子少保郝公
之靈若夫星象降質山川受氣以道為尊以和為貴軒
后夢之於大澤文王卜之於清渭實馮舟楫之功

集作力

必藉鹽梅之味昭昭北斗宮號文昌隱隱西掖池名鳳
凰增萬機而叅政本定五字而對休光珥豐貂之鞞鞞
識遺佩之鏘鏘懸車之歲方稱國老步輦之榮遂居師
保劉蕃以光祿緝訓和嶠以尚書贊道百年方享於期
頤五福莫徵於壽考西山訪藥北壁尋經金丹不化玉

釜何成梁木斯壞曲池坐平府庭颯而變色寮屬慘而
相驚嗚呼哀哉玄機等親聞教義夙承提獎懷德音之
不忘痛丹壑之長往門館閒寂簾帷彷彿莫行潦之蘋
蘩庶明靈之降饗嗚呼哀哉

為梓州官屬祭陸鄭縣文 前人

維垂拱二年太歲景戌正月壬寅朔二十二日癸亥長
史劉某謹以清酌庶羞之奠敬祭陸明府之靈夫萬里
之別猶使飲淚成血思德音之斷絕况百年之分能不

憂心如薰想公子兮氛氲惟彼積德挺生夫君天垂白

氣地發黃雲江則有沱

集作記是

為國之紀君傳其政愛人

如子山則有梁鎮

集作國

茲一方君弘其道視人如傷久

勞于外路阻且長曾未朞月人之云亡嗚呼哀哉哀哀

弱嗣朝暮一噬皎皎孀妻饋乎下室蜀門如劔長安如

日歸路何從我心如

集作疾

鳴呼哀哉凡我在位羈官

邊城共戮力兮誰言死生思其人兮造其庭恍無見兮

寂無聲稱觴兮酌酒心折兮骨驚嗚呼哀哉

祭汾陰公文

前人

維大唐光宅之元祀太歲甲申冬十有二月戊寅朔丁

亥御辰揚烟以柔毛清酒

集作酌

之奠敢昭告于故中書

令汾陰公之靈

靈字集作貴神

嗚呼哀哉惟公含純德而載誕

兮稟元精而秀出

集作特秀非

備百行而立身兮半千年而

委質屬天地之貞觀兮逢聖人之得一若夔龍稷禹之

寅

集作明

亮舜朝兮若蕭曹魏邴之謀猷漢室懸大名於

宇宙兮立大勲於輔弼如何斯人而有斯疾曾未遐壽

中年殞

疑作殞

卒嗚呼哀哉若夫家傳寶鼎地闢金溝文

則屬詞而比事兮學則八索而九丘入則東藩之上相

兮出則南面之諸侯

集作通

唯盡善兮未善固雖休而勿

休既知退而知進兮亦能剛而能柔大才則九功惟叙

兮大智則萬物潛周崇德廣業兮樂天知命而不憂嗚

呼哀哉門館虛兮寂寞歲窮陰兮搖落備物儼兮以

集作

如存光靈眇兮焉託垂總帷與祖帳兮罷歌臺與舞閣

天子惜其毗余兮羣臣思其可作嗚呼哀哉俯循兮弱

齡叨襲兮簪纓公夕拜之時也既齒跡於渠閣公春華

之日也又陪遊於層

集作
郡

城參兩宮而承顧盼兮歷二

紀而洽恩榮郭有道之青

集作
題

目兮蔡中郎之下迎倏

焉今古非復平生無德不報兮願摩頂而至足有生必
死兮空飲恨而吞聲天慘慘兮氣冥冥月窮紀兮日上
丁籍白茅兮無咎和黍稷兮非馨嗚呼哀哉

為李總管祭趙郎將文

駱賓王

姚州道大總管李義祭趙郎將之靈惟靈降精辰象委

質昌期棄筆文場早狗封侯之志影纓武帳坐昇戎秩

之榮屬須補挺袂

集作妖

昆池

集作明

習戰應星文而動將

奉天罰以揚威不能弘廟筭於五

集作四

戎叶神謀於九

變致使

集作令

王師失律凶狡憑陵雋亢南臨同五谿之

深入邛關北阻類雙嶠之不歸亭候多虞故有負於明

代春秋責帥豈無愧於幽途悲夫任賢與能明君之事

也陳力就列忠臣之義也郎將雖見危授命固誠節之

有餘臨難圖

集作權

機何智謀之不足嗚呼哀哉義猥以

散才謬專分閫途經夷落路踐戎場停疲驂於九泉悲
來有地痛遺骸於四野泣下無從暫輟征旅之勤爰崇
掩骼之義庶幽靈有托梧丘息入夢之蒐壯士不還薤
露起送終之曲嗚呼哀哉九真邊徼萬里長安城危疏
勒山峻臯蘭因原為隴即壤成棺夕陰低而平蕪晦秋
風急而荒戍寒嗚呼哀哉異域幽埏但見新栽松柏他
鄉古木非復舊邑枌榆感平生其若

集作斯

在聊申絮酒

儻聰明之不昧式

集作或

薦單

集作單

醪

為宗尚書祭梁宣王文

宋之問

維大唐景龍元年歲次丁未十月乙未朔四日戊戌兵
部尚書宗楚客弟將作大匠秦客等謹以清酌庶羞之
奠致祭于梁宣王之靈惟王神岳降靈英姿濟代在周
錫梁社之寵翊唐有代邸之勳不謂業在必安而釁生
非意賊臣結黨大集作奔黷宸闈逆子弄兵輕集作讒誣懿
戚密謀奉主惟以國家為心飛集作非禍及門翻令父子
併命九重軫念悼舟楫之堙没百辟興嗟愴衣冠之殄

悴楚客等早承輝眇夙忝

集作奉

娛遊姻屬謬接於葭莩

兄弟竊方於鴈

集作橋

序叨列五等同事兩朝昔以高義

銘心今猶德音在耳嚴慈永往伯季凋零友睦申於長

昧成立冀於猶子而家不悔禍俱斃仇人

集作讐

入私庭

而痛深過王門而悲極竹池舊賞看鴈鷺之猶歸蒿里

新歌恨天人之永逝嗚呼哀哉九原撰日萬古營菟士

集作人

悲高駕帝慟津門殯

疑作殯

賢輔而星圻

一作折非

害良

臣而霧昏想平生之如此

集作在

庶髣髴於斯樽尚饗

為宗尚書兄弟祭魯忠王文 前人

維景龍二年歲次戊申月日兵部尚書楚客弟將作大

匠秦客等謹以清酌之奠敢昭告于魯忠王之靈惟王

寶鼎因地瑶林肅某作蔽天靈資海岳質冠神仙德潤猶

雨機清若泉不孤大造集作小翻推少年百身豈贖四序

云變慈軫玉庠悲盈金殿令德彌秀徽容難見悼前歲

之今日共銜酸於隙電錦鸞失偶臺鳳悲隻玳席賓空

金鄉戶聞徑不踐兮苔紫庭不遊兮草碧敢申賦於童

聊痛平生之姻戚嗚呼哀哉雁池送夏馬埒迎秋露白
天淨雲低隴愁恨名王之淪枉悲促運之浮休蓄哀思
而成泣憑聰明而致羞小山一平兮多桂樹故人雖在
兮罷蘭遊心追往而將絕淚橫目兮集作而難收嗚呼哀
哉尚饗

為常特進已下祭汝南王文 前人

維大唐景龍二年歲次戊申月日某官某等謹以清酌

之奠祭

祭字集作
敢册告

于汝南王之靈相門踵德王實挺生

天資溫克神與聰明人稱玉樹我嗣金羸芝庭欲秀桂

林將逐惟彼鴈堂

集作黨

墜茲鴻陸魁奪精氣墳迷草

集作

并

木漢皇纂錄周母參功夷夏

集作憂

昭洗幽明感通九

菟見日一葉隨風孝極先妃丹旒前歸慈殷諸季素旒

集作旒

相次楚眊啜泣秦人下淚荆分自久棣落無餘悲

炎海之下制惟

集作懷

觀津之上書鳶忌南而跼水鴈愛

北而隨車嗚呼凡在枝戚銜恩極遍寵賁濯龍榮同化
驚獨傷元子冥冥無見玉宸下感金屋增悲珠亡禍速

沙崩慶遲綠車為贈黃泉各

集作永

思官舍攸止先塋甫

託齊國返塋隨原可作靈之歸來無惑甌駱尚饗

祭杜學士審言文

前人

維大唐景龍二年歲次戊申月日考功員外郎宋之問
謹以清酌之奠敬祭于故修文館學士杜君之靈嗚呼

位曰大

集作天

寶才曰天爵辭

集作詳

業備而官成名

集作多

聲高而命薄屈原不終於楚相揚雄自投於漢閣代生
人而豈無人遠代而咸若運鍾唐虞崇文寵儒國求至

寶家獻靈珠後俊

二字集作復

有王揚盧駱繼之以子跡

集作

躡雲衢王也

集作服

才參卿於西陝楊也終遠宰於東吳

盧則哀其栖山而卧疾駱則不能保族而全軀由運然

也莫

集作聊

以福壽自衛將神忌也不得華實斯俱惟靈

昭昭度越諸子言必得俊意常通理其含潤也若和風

欲曙搖露氣于春林其秉艷也似涼雨半晴懸日光

集作

足於秋水衆轍同遵者擯落羣心不際者探擬人也不

幸而則亡名兮可大而不死君

集作靈

之栖遑自昔迷方逢

時泰兮欲達聞數竒兮自傷屬文母之丕運應才子之

明敷援淪秀於蘭畹侍遊仙於柏梁命以著作拜之為

郎始翔駕於清列旋禦魅於炎荒遺旅鴈兮超彭蠡作

編人兮居越裳集作常殊許靖之新適憶虞翻之舊鄉惟

皇龍興丹施法度拂洗溟渤騫集作騫翔雨露通籍於八

舍禁門擡筆于萬年芳樹仰赤墀兮非遠謂白首兮方

遇君病何病到此彌留藥雖集作勤餌兮寧愈針不及兮

可憂雖則妙醫莫識實冀明神獲瘳嗚呼哀哉君集作靈下

三字同之將亡其言也善余向十旬日或再展君感斯意

贈言宛轉識金石之契密悔文章之交淺命子誠妻既

懇且辨自予

集作僕也

與君弱歲遊執文翰共許風露

集作霞

相浥况窮海兮同竄復文房兮並入川流遽閱隙電初

過昔乘運兮如此今造冥兮若何懷君疇昔

集作好

兮恨

已積念君恩惠

集作近惠

兮情倍多道之南宅困之東粟使

君孤之有餘寧我家之不足籍籍流議喧喧薄俗名全

每困於鏖金身沒誰恨其埋玉空落長松千尺詎置生

芻一束倬彼帝公贈殷禮縟善乎佳子理感情屬相識

有素見覽

集作賢

增勗登君詞賦於雲臺之上藏君齒髮

於緱山之曲緱氏山兮山上雲秦城郊兮郊外墳孟冬

十日兮共歸君

集作送夫君

君

集作靈下同

有靈兮聞不聞我咀

瑤屑君知自久坐泣焚芝遙哀盡柳闕視

集作親

祖載爰

集作愛非

遺

集作遺非

卮酒願歆悲誠將告良友尚饗

祭楊盈川文

前人

維大周某年月日西河宋某謹以清酌脯羞之奠敬祭

于楊子之靈曰自古皆死不朽者文北河吐

集作流

液西

岳生靈

集作吐雲

爰叶

集作叶神

通氣降精于君伏道孔門遊及

諸子精微博識黃中通理屬詞比事宗經匠史玉璞金
渾風搖雲起聞人之善若任諸已受人之恩許之以死
惟子堅剛氣陵秋霜行不苟合言不苟忘大君有命徵
子文房余亦叨忝隨君頡頏同趨北禁并拜東堂志事
俱得形骸兩忘載懼寒暑貧病洛陽裘馬同弊老幼均
糧自君出宰南浮江海余嘗苦饑今日猶在之子妙年

香名早傳從來金馬夙昔崇賢門庭若市翰墨如泉千
載之後聞而凜然死而不忘問余何傷傷余命薄益州

零落生平

集作
平生

之言幽顯相託痛君不嗣匪我孤諾君

有兄弟同心異體陟岡增哀歸塋以禮旅櫬飄零于洛
之汀我之懷矣感歎入冥見子之弟類子之形悼往心

絕慰存涕盈古人有言一死一生昔子

集作
之

往矣追送

傾城今子來也乃知交情惟郭是戚有崔不易來哭來

祭哀文在席惟席可

集作
何

依氷雪四滿家人哀哀賓徑

微斷今我傷悲情懃昔時子文子翰我緘我持子宅子
兆我營我思子有神鑒我言不欺我有絮酒子其歆之
我亦引滿儻昭神期蒐兮歸來聞余此詞

祭王城門文

前人

維長安二年歲次月日司禮主簿宋某謹以清酌之奠
敬祭于故宮尹丞太原王君之靈惟靈顯考抗志恬漠
九辟奚顧一丘自樂行儀集作擬巢由言重許郭粵我先
人比德同道理闡探索詞源論討翰墨具存有真有草

古人至

集作之

言朋友世親王氏兄弟既義

集作禮

且仁撫

我則厚莫殊天倫粵我幼蒙哀纏岵岵急難相顧若出
諸已聞過必箴見善斯喜盛德之後昔聞其昌之子壯
年朱紱始光賀者在門哭者在堂慰君之兄撫君之子
郭門祖祭平生已矣問天何言閉恨泉裏嗚呼哀哉尚
饗

文苑英華卷九百七十八

欽定四庫全書

文苑英華卷九百七十九

宋 李昉等 編

交舊二

爲建安王祭苗君文一首

祭黃州高府君文一首 祭常府君文一首

祭率府孫錄事文一首 祭孫府君文一首

祭崔侍郎文一首

爲河內王祭陸奧州文一首

為吏部侍郎祭故人文一首

祭李侍郎文一首

為王司馬祭甄都督文一首

祭清河房公文一首

為建安王祭苗君文

陳子昂

維某年月日朔方道大總管建安郡王攸宜以酒饌之
奠祭故壯武將軍左王齡衛中候左三軍營主苗君之
靈君忠勇兼資戎麾夙濟烏丸作逆赤羽從軍方且任

君先鋒仍馳後勁刈鮮卑之壘推蹋頓之師執馘獻俘歸
受國賞何圖大勲未立隨命先凋永懷咨嗟情用兼慟
故命酒奠告爾殤魂君其有靈歆茲薄酌嗚呼哀哉尚
饗

祭黃州高府君文

前人

維年月日朔孫女夫某等謹以清酌庶羞之奠敢昭告
于故黃州高府君之靈惟府君含德元亨保和光大才
堪濟世而運屬承平器允登台而命鍾流

集作
論

落有瑚

璉之寶無廊廟之資豈圖大位不濟幽靈永昧尊儀潛
翳三十餘年玄殯既開黃腸已古今青烏改卜丹旒來
歸窀穸即期幽明永訣某奉事門闌興言追慕實增感
咽竊惟精意以享黍稷非馨敢陳薄酌以獻明靈嗚呼
哀哉伏惟尚饗

祭常府君文

前人

維年月日左拾遺陳子昂謹以少牢清酌之奠致祭故
人臨海常一有府字君之靈惟君孝友自天忠義由已有經

世之畧懷軌物之量甘心苦節風雨不改常欲窮則獨
善其身達則兼濟天下感激遐詠邈然青雲何期良策
未從大運奄忽嗚呼哀哉昔君夢奠之時值余實在叢
棘獄戶咫尺邈若山河語言空存白馬不弔迨天網既
開而宿草成列言笑無由夢寐不接永言感慟何時可
忘今旌旒言歸闕河方遠興言永訣今古長辭鄧攸無
子天道何知洛陽舊陌拱木猶存京兆新阡孤松已植
已矣常生云何及矣大運之往賢聖同塵嗚呼哀哉伏

惟尚饗

祭率府孫錄事文

前人

維年月日朔某等云云古人歎息者恨有志不遂如吾

子良圖方遠

集作典

青雲自致何天道之微昧而仁德之

攸孤忽中年而顛沛從天運而長徂惟君仁孝自天忠

義由已誠不謝於昔人實有高於烈士然而人知信而

必果有不識於中庸君不慙而

集作於

貞純乃洗心於名

理元常既沒墨妙不傳君之逸翰曠代同仙

蜀本作侶

豈圖

此妙未極中道而息懷衆寶而未攄永幽泉而掩鬼鳴
呼哀哉平生知己疇昔周旋我之于君交之百年相
視而笑宛然昨日交臂而悲今焉已失人代如此天道
固集作然所恨君者枉天當年嗣子孤藐貧窶聯翩無
父何恃有母惻焉嗚呼孫子山濤尚在嵇紹不孤君其
知我無恨泉途嗚呼哀哉伏惟尚饗

祭孫府君文

前人

維年月日子昂謹以牲酒之奠致祭故延俊府折衝燕

然

集有平字

孫府君之靈惟君少馳英武早効成功聲雄塞

上名重關中懔稜威於敵國存大節於家風既揮金而

退老方餌玉

集作樂

於仙童何昊天之不弔隨大化之云

集作以長

終白馬故人青鳥送往素車永訣黃壚誰賞集作

絮酒盈觴菟兮尚饗

祭崔侍郎文

張說

維神龍三年月朔日兵部郎中員外曹良史等謹以清酌少牢之奠敬祭故侍郎崔公之靈位以行成名以才

起天臨明代是生君子長戟高門層堂峻址孝友仁愛

衣冠標軌清通正直省闈

集作闈

條理束帶立朝惟國之

俊抑揚吐納金聲玉振器不滯方神無留韻厚奉外不

為假坦率內不違真泛交而容博好施而能均欲人規

已恕已及人故者不遺其故親者無失其親歷否泰能

全其節故令名不離其身方齊六相助明三辰何孤我

德何負茲神搏空墮羽中駕摧輪昔時寮列今為弔賓

凡二三子夙承惠

集作遊

眷聯務七兵歲陽三變分與時

積事由更練蹇蹇公庭申申私宴慟音徽之永掩懷儀
範之不見戢容止於綴足潛眉目於蒙面哀哉柰何零

涕

集作
涕零

如霰緬惟初疾以迄將亡意氣精爽乾乾自強

顧瞻賓客勉勉矜莊几不側弁衾無解裳話言靜密憂
公不忘猶看駿馬尚聽名倡靡神不禱靡藥不嘗倏然
信宿寃歸渺茫歲初置酒春中酌觴何吉凶之共域同
歌哭於此堂自古及今人誰不沒豈嘆生死所嗟倉卒
脩途未半壯志先伐孰予卮年遺孑集作
孑數月在親親

與懷舊孰不傷心而痛骨靈集作奠易收深悲難歇尚

虛

饗

為河內王祭陸冀州文
前 人

維萬歲通天元年月朔日神兵道大總管河北道按撫
使右金吾大將軍河內郡王以少牢之奠致祭故冀州
刺史陸君之靈戎羯不道侵軼幽都克渠電滅餘燎星

鋪鳴弓挾集作柳飲馬長蘆攬集同惡難起無虞梟獍

快

為依集作鯨鯢有旗裳旗來兵剡弧集作弦木泮渙吞

旅

荻

噬睚盱觸逐亂舞梯衡

集作衡

潛攻版築鑿齒爭厲熊蟠

未熟踰坦自潰守陴皆哭高扁

集作扁

已陷連櫺

集作樓

復

焚人類薙草城隨壞雲僵屍暴骨藉藉紛紛嗟嗟使君

死節無吝政覺成俗兵機不振構此

集作狡此

猖狂難以德

鎮城為讐言保身膏虜及明明上帝仁覆憫下赫赫神兵

驅馳在野朝告夕赴

集作起

如何不及將守非堅為寇是

急救兵適來涉血猶濕三軍雷歎百戍雨泣天子命我

董戎冀方旌旂介胄千里相望既掃氛濁言巡戰場輯

睦人吏撫寧孤孀徘徊城府悽愴甘棠禮重王事哀深
國殤冤兮有感歆此嘉嘗尚饗

為吏部侍郎祭故人文

張九齡

維開元十年歲次壬戌二月癸酉朔十七日巳丑吏部
侍郎某謹以清酌脯醢之奠致祭于故某公之靈聞夫
仁必壽考所謂神道善亦慶延以為信然今夫子之不
福而聖謨之是懋孝友純固禮讓周旋行所以直業所
以專誠公才而天假故官政以日宣節使是式朝宿既

至十部稱賢一人思媚鳳凰于彼雲霄以異胡然明靈
殲我良懿嗚呼哀哉夫子之逝平生之懷襟抱素合遊
處嘗偕清風對禁文石同儕自茲兩掖殆將一紀展轉
清貫化離君子曷其愛而甫云觀止正司空之掃第屬
荊州之罷市欵交臂而相失殷痛心其何已今卜兆有
日祖載在廷颯然象設寔爾音形驅白馬而何見瞻素
車而已扁德音不忘應甘棠之勿剪交情乃見伊黍稷
之非馨嗚呼哀哉尚饗

祭李侍郎

集作
常侍

前人

維年月朔日中散大夫洪州都督張九齡謹遣倉曹叅
軍李某以醢脯之奠敬祭于故宋國公之靈惟公世載
賢傑天資忠厚外珪組而雖華內水鏡而無垢善常不
伐明能自晦省中之樹訪猶不言車前之馬數而後對
淑慎自己屯集作
否亨有時孰能遠集作
速非命公此來思結
忠主之戀深去國之悲六疾斯起五福云欺生涯溘盡
精魄何之嗚呼哀哉追惟曩昔升降雲霄榮華侍從瞻

眩光昭日歟月歟有榮有凋丹旒子子白驪蕭蕭同官
之感俾余魂銷靈之來歸茲焉旅次瞻望無覩悲辛自
至頃密爾而寄音今窅然而結歎南北于遠幽明永異
何以叙情寄之奠饋尚饗

為王司馬祭甄都督文

前人

維開元五年歲次丁巳九月丁酉朔十四日庚戌某官
謹以清酌少牢之奠敬祭于廣州都督甄公之靈惟公
稟氣異人為國良臣資忠取義奮翼躍鱗富貴自取聲

名益震故能北擁旄於玄朔南伏節於朱垠行部無幾
卧理斯属棠陰在聽殫歌成曲下流是仰長塗反促始
望雨而隨車遽驚風而轉燭嗚呼哀哉甫茲歲首彤檐
載輝今也秋季丹旒言歸嗟集作既寒來而暑往將物改
而人非駟馬不馭雙燕空飛對平生之氣象詠夙昔之
音徽燕越兮地眇湖山兮路微奠肴觴而集作之在席感
徒御以霑衣嗚呼哀哉尚饗

祭故相國清河房公文

杜甫

維唐廣德元年歲次癸卯九月辛丑朔二十二日壬戌

京兆杜甫謹以

集作敬

醴酒茶藕尊鯽之奠奉祭故相國

清河房公之靈曰嗚呼純朴既散聖人又歿苟非大賢孰奉天秩唐始受命羣公間出君臣和同德教充溢魏杜行之夫何畫一婁宋繼之不陞故實百餘年間見有輔弼及公入相紀綱已失將帥干紀烟塵犯闕王風寢頽神器圯裂闕輔蕭條乘輿播越太子即位揖讓倉卒小臣用推尊貴倏忽公實匡救忘餐奮發累抗直詞空

聞泣血時遭侵沴國有征伐車駕還京朝廷就列盜本

乘斃誅終不滅高義沉埋赤心蕩析貶官厭路讒口一作

言到骨致君之誠在困彌切天道濶遠元精茫昧偶生

賢達不必際會明明我公可去一作時代賈誼慟哭雖

多顛沛仲尼旅人自有遺愛二聖崩日長號荒外後事

所委不在卧内因循寢疾顛顛無悔天闕蜀本作泉途

激揚風槩天柱既折安仰翊戴地維則一作絕安放挾

集作載豈無羣念我心忉忉不見君子逝水滔滔泄涕

寒谷吞聲賊濠有車爰送有紼爰操撫墳日落

集作晚掛

劔秋高我公誠子無作爾勞歛以素帛付諸蓬蒿身沒

集作痊

萬里家無一毫數子哀過他人鬱陶水漿不入日

月其滔州府救喪一二而已自古所歎罕聞知已曩者

書札望公再起往

集作今

來禮數為能

集作態

至此先帝松

栢故鄉粉梓靈之忠孝氣則依倚拾遺補闕視君所履

公之

集作初

罷印人實切齒甫也備位此官蓋薄劣耳見

時危急敢愛生死君何不聞刑欲加矣伏奏無成終身

愧耻乾坤惨惨豺虎紛紛蒼生破碎諸將功勲城邑自

守鼙鼓相聞山東雖定灞上多軍憂恨展轉痛傷氛集作

氣氤玄黃集作非色白赤集作不分培塿滿地崑崙無羣集作

致祭者酒陳情者文何當旅櫬得出江雲嗚呼哀哉尚

饗

文苑英華卷九百七十九

欽定四庫全書

文苑英華卷九百八十

宋 李昉等 編

交舊三

祭劉評事兄文一首

祭劉左丞文一首

祭友人張五兄文一首

祭亡友揚州功曹蕭公文一首

祭董大使文一首

祭李中丞文一首

祭嚴尚書文一首

祭李相公文一首

祭李侍郎文一首

祭員郎中文一首

祭衢州李司士文一首

祭裴尚書文一首

祭劉評事兄文

李華

維乾元二年歲次己亥六月乙未朔三日丁酉趙郡李
華祭于劉三兄之靈惟兄高韻曠度拔於時倫德契中
和道符深仁泉明其照情性其文踈近無二心冥則親
雅敦名教素遠權利夷險一節通塞一致有時不適與
道偕醉跡一作事隨沉浮量混同異白雲何遠清風自至

人或知兄王佐之器豈人無福而兄天年浙東幕庭喪
此一賢識與不識辛酸泣然秦失五穀春不相杵清標
高志行乃動主繫我夫子列在中士職無所統談笑而
已居室言善感於千里綿江越湖掩涕相視追懷晨夜
一作道則同謀定交梁國周旋兩都更相默喜吾道不
衰辰
孤契濶艱難誰榮誰枯良願再諧握手東吳羈旅情倍
天倫豈殊去歲季冬將膺使檄累辱來召陵江掛席持
酒歡酣憂懷頓釋携手終日晤言竟夕無食不均無衣

不易題序申餞情深義激贈言綢繆罷我行役涉泗而
還遽焉遺厲猶復垂念尺書相繼將慶有瘳俄哀永逝

萎我盛德天故

擬作胡

不惠嗚呼痛哉華江濱憔悴風濕

所侵疾不果問喪不果臨無由執紼從茲破琴異鄉之
慟於此何心不言少別便爲古今嗚呼痛哉光烈幕府
親兄重兄恩深撫孤義感平生臨吊盡哀行路涕零躬
護喪事推以信誠古風復存今見哀榮嗚呼痛哉孀妻
晝哭弱子縗經蕭蕭旅塋空對江月想像遊處心呼鬱

結羽毛相依忍此凋缺寢門之悲悽斷吳越蘇門朗嘯
於此長絕泣戒將命往申微駸此如不祭祇益酸咽兄
性與道合栖心福庭故於是莫不列葷腥願垂惠照以
濟幽靈值佛開法長爲弟兄素心惟此敢告冥冥尚饗

祭劉左丞文

前人

維年月日左補闕趙郡李華謹奉清酌微奠祭于故國
子祭酒劉十六兄之靈痛矣夫時方刑措誼傳長沙運
丁中興行廢于家命與道乖末如之何先師微言行已

堙塞績儒濟德俾世為則專門繼起人用不惑李孟叔
仲並華于國文傾遷固理破揚墨濁斯渾清曲莫容直
孤玉沉韻高鴻墜翼疇昔之年逆虜悖天帝命西平董
戎于闕上宰姦回蔽明怙權阻以監撫海內龔然督哥
舒將盍不速轅一作哥舒督兄在西陲飛章上言喻

引古今易亡為存時憚姦邪不聞帝闕文武房公慷慨

獨論迎吠狺狺竟寢斯文華泰諫官亦嘗披肝千里同

氣寤寐永歎請受一作監收一作請一作鎮豐安乞固

授

帥

用

用

上黨乞備太原心竭犬馬事屈羣頑哥舒表華掌記轉

門明明仁兄紹介三軍舉族在此懼為福疑原竟迫方

寸孤天負恩聖朝孝理未忍行戮爰詔三司伏念哀鞠

綱脫

一作釋

烏鳥恩開桎梏實賴仁人再春枯木房公介

然明華於朝兄志提挈出泥登霄言于宰司大啓學徒

陳沈洎華可備師儒堂堂昌言光我囚拘楮中不行何

日忘諸功曹垂侍恩比天倫手足是比榮枯一人友愛

惟深憐眷益親難阮流離存亡永分冀遊門間以慰酸

辛誰謂凋落今惟二人嗚呼哀哉弟參邦憲兄鎮海夷
誰云存歿共彼有期謂天無親胡與善遠孺子攀號遠
奉裳帷季氏呼天割我四支平生故人橫涕交頤寄窻
空原時迨一作追興師官尊地偏禮不成儀回望舊邦素
車遲遲潯陽地古舉目悽悲執紼流慟誰堪此時余生
易感况已衰羸泣薦潢汙菟兮臨之尚饗

祭亡友張五兄文

前人

維永泰二年歲次丙午正月某朔日趙郡李華謹遣從

姪詹事府丞廉以茶乳蔬果之奠敬祭于亡友張兄博
士之靈嗚呼痛哉先生之終人倫不幸况乎小子最飽
道風何悲如之先生以道為貴以德為富以樂天知命
為壽則非其道而貴者賤也非其德而富者貧也不樂
天不知命而壽者夭也然先王道貴德富加以樂天知
命之壽固無恨矣所痛者仁而無後天道何以為善與
神理何以為正直滔滔江水此慟何窮嗚呼哀哉華殘
年衰病足不履地撫膺而哭欲往無由千里申奠不任

酸咽仁兄先生俯監悲懷尚饗

祭亡友揚州功曹蕭公文 前人

維乾元三年二月十日孤子趙郡

一無此二字

李華以清酌

之奠祭于故亡友揚州功曹蘭陵蕭公之靈嗚呼茂挺
平生相知情體如一歲月之別俄成古今天乎喪予此
痛何極華譽爵深重艱棘所鍾殊方永慕觸目號裂孤
窮易感况哭故人以足下才惟挺生名蓋天下道孤命
屈淪阨終身避亂全潔忠也冒危遷祔孝也有王佐之才

先師之訓而歿于道路何負於天乎痛哉華疇昔之歲
幸忝周旋足下不棄愚劣一言契合古稱管鮑今則蕭
李有過必規無文不講知名當世實賴若人循環往復
何日忘此華等一作而况泣血千里羈旅相依聞其一作此
哀心骨皆斷夫痛之至者言不能宣是欲寄辭祇益填
塞茂挺茂挺君其降靈尚饗 一作皆唐文粹

祭董大使文

崔祐甫

維寶應元年歲次壬寅月日祭于隴西董府君之靈曰

秋日淒淒百卉具腓城寺無主人馬適歸矧蓄廢廡之
望飜遇死喪之威弔隨慶集事與心遠良知與主昨是
今非嗚呼哀哉追惟曩歲永豐之遊清川倚棹廣路停
輶道路契濶燕言綢繆條馬陳迹曾不少留幾成海變
何啻星周勁翩翩翔上陵蒼蒼俯憐燕雀畏逼藩牆議
以銜羽將貽稻梁望國酸疑作駿奔初念楮中之惠及門
問故俄增掛劔之傷嗚呼哀哉干旄榮戟撤而不見總
蒙戶而風悲葦遠庭而靈疑作露泣邦人輟春殲良何速

屬吏霑襟于何從祿永無像於形儀庶有憑於軌躅羞
匏葉而為薦比隻雞而可續嗚呼哀哉尚饗

為吏部李侍郎祭蘇州李中丞文

獨孤及

年月日某官某乙謹以清酌少牢之奠敬祭于故蘇州
刺史兼御史中丞贈吏部侍郎李公之靈嗚呼天以純
粹鍾美於公孝友慈惠公廉貞直事君以忠臨節有勇
可以師表鄉黨儀刑縉紳宜荷百祿乃朋三壽執司物

化曾莫輔德諸父不死公獨返真官不過八命年未逾

六十豈五藥乖養九藏失節以及此乎將脩短之域窮

達之數止於是乎前期幽報如所脩乎俯觀前生

集作生前

亦有恨乎昔公出入臺閣勤勞王事驅馳

集作馳驅

使車周

旋天下克已奉職一何正也姑蘇之役姦倖構難公秉

義勇誅其渠魁海寇圍逼勾吳震駭公帥羸師克剪大

敵竒謀生於死地貞節見於孤城夫豈惡生誓無奪志

臨危致命一何壯也濯纓來朝祇若王命三府高議方

以黃散咨公天乎無知不從人欲旅櫬委於空館妻孥
恨於遠道其來也駟馬朱幡其往也孤轡丹旒天子興

悼台臣雨

集作雪

泣情鍾我輩其

集作哀

可既乎綰等義惟

寮友李卿等屬忝宗族歎愛如昨書札猶新伸眉未久

集作幾

交臂或

集作忽

失形骸留此冤鬼何之鳴琴潺湲恍

若在耳前路冥冥良遊無期靈之來兮歆此薄酌

集作酌

尚饗

為元相公祭嚴尚書文

前人

年月朔日某官某乙謹以清酌少牢之奠敬祭于黃門

侍郎兼吏部尚書御史大夫嚴公之靈嗚呼天惟難

集作

匪 謀才不必壽冉牛

集作耕

斯疾顏回知

集作短

命吉凶無

朕

集作非

凡聖共惑惟公茂質見於芳年茵蟲九葩磊落

集作

千丈嘗戮力當代以智開物若發矧之及決雲切

玉長安浩穰憲綱踈漏天子命公尹京執法能秉直道

以張皇綱

以智至皇綱三十七字集本如此英華止作以智開庶物以道張皇綱

盜奔訟

清周月報政巴蜀亟擾上為盱食自公

集作公之

攸徂亦既

集作
既亦

遄已昆夷授首卽燹歛化及位

集作
加

冢卿為天喉

舌謂當任極台鉉壽如岡陵青雲何攀白日忽暮嗟來

桑扈溘與化往孰云夫君而有斯阨芳叢

集作
叢蘭

春敗大壑

夜失非君興哀吾誰為慟昔公先中書以道銷讒勝不

踐衮職公復美屈短歲卒無相印蒼生孤望前後同悲

曩子論交於予投分形接意敵聲應事感俱涉世故累

荷寵榮余忝台司公亦亞相大駕東狩卒

集作
護

陪屬車

各負羈紲又同

集作
同杆

牧圉誠節見於多難交態彰於困

蒙願言悉心共獎王室鎮蜀之後

集作候

南北頗限猶易

前期未嗟少別別未艾也死生間之夙昔歡愛今返為
悲真宰何人壽夭誰司善而無報天豈余欺憶昨攸徃
火旗電輜今也來思白馬龍輻鯉書遂絕雞黍無期惜
無寶劔掛君松枝旨酒一壺幽明此辭尚享

為楊左丞祭李相公文

前人

年月日尚書左丞楊綰吏部侍郎王廷昌刑部侍郎魏
少遊工部侍郎徐浩謹以清酌少牢之奠敬祭于故相

國李公之靈嗚呼宗祏儲祉降神生公稟天純懿為國

柱石負荷代業儀刑本枝九居邊

集作專

城六處八座五

領憲府兩登台司惟公廉忠信是務惟寬厚清淨是守
危言獻可未嘗脂膏取容直躬而行不為權幸改操三
已無愠一麾乃出其茂勲崇名遺芳餘事輝映策牘標
準縉紳所涖之邦于今頌美若鄭人之思于產周人之
歌召伯謂公福如山阜壽登期願為天子元老以弼成
庶政濫與化往嗚呼曷歸何萬人之具瞻與天命之相

遠窺遺塵於臺閣想見公之容徽嗟道申而壽短

集作
屈

痛跡是而人非綰等恭承嘉惠昔嘗登門接後堂之歡
娛參東閣之討論譚浪在耳書札具存柰何少別忽聞

九泉

集作
原

尚享

為吏部楊侍郎祭李侍郎

集作
常侍

文

前人

年月某官某乙謹以清酌少牢之奠敬祭于故右散騎
常侍贈禮部尚書李公之靈嗚呼冲和

集作
粹

之氣生德

於公忠孝貞諒聰明宏達卓犖特立英明虛受自司翰
持衡視風執法周旋三閣出入十載能直其道而正其
身致命臨節仁而有勇造次顛沛義形於色莊敬發乎

談笑孝謹聞于

集作

子 閨門若天祚明德神與正直公宜

錫慶鍾壽俾大而昌于何官不至三事年不及六十積

德無報為仁者惑焉今行及先遠將安宅兆嗟來桑扈

往無返期追思平生夙昔歡好懇款交臂之分勤拳

集作

殷同心之言今則冥漠無非夢想非夫人之為慟而誰

為慟不知神之所在彼乎此乎旨酒一樽以為別乎

集作

庶以
為別尚饗

為明州獨孤俊臣

集作使君

祭員郎中文

前人

某月日某官某乙謹以觴豆之奠敬祭于故某部郎中
兼某州刺史員公之靈吳越僖歲元元艱食帝咨四岳
分命于公以公克勤于邦克儉于家忠而能立剛亦不
吐出入臺閣將十五載動合律度言為程式及茲剖符

銜疾受命而慨然有表正東夏澄清江湖之心海隅蒼

生方仰

集作望

公以大庇朝廷縉紳期公以上台而悠悠

蒼天屈公以下壽時既得

集作須

而命不與致未窮而生

有涯嗚呼哀哉昔公繡衣持斧余忝接武於朝公負譴

投荒余亦左袵異域山川有間交情無極各隨波流在

天一方險阻艱難亦既備嘗邂逅相遇荆蠻之鄉惠而

好我何日能忘浙右巨鎮甬東孤城風烟接壤

集作相接

弔

伐同盟未及前驅莫申微誠遽聞沉痾

集作荷

忽間死生

九原誰歸萬事長往夙昔歡愛無非夢想舟遊壑走吾

將安仰隻雞之薦靈兮來集作饗款

祭衢州李司士文

前人

年月朔日前華陰縣尉獨孤及謹以清酌庶羞之奠敬

祭于衢州司士參軍李君之靈惟君砥節勵行抱粹含

純剛亦不吐直而能溫筮仕誠立安卑道存宜錫難老

亦高其門如集作何盛德迫此短晨追惟夙昔修好於

君託以良援申之婚姻勸我以義敦我以仁各徇薄宦

俱期致身頃復離別幾為胡秦契濶乖阻艱難苦辛君

恨靡監陳力甌閩余集于

集作
茶

蓼零丁海濱弔恤何深

舊好惟勤

集作
殷

贈言如昨尺素猶新倏忽長往吾誰與

親常日音徽平生懿文今則已矣長為古人憐君不知

哭君不聞瀝酒墳草洒淚隴雲庶因薄奠髣髴精神尚

饗

為華陰李太守祭裴尚書文 前人

年月日華陰郡守李某謹以清酌少牢

集作
庶羞

之奠敬祭

于故禮部尚書河東裴公之靈嗚呼元精純粹生德于

公峻極降祉真明在躬濯纓登朝事君以忠出入三閣

周旋兩宮褰帷井陘推轂盧龍喉舌是寄令集作聞斯

崇鯤背垂天鴻毛順風亦既左官時更困蒙夷險能一

集作高明有融三已無愠再命滋恭肇受方伯俄昇秩


宗將陳謨謀以佐時雍如何不弔降此鞠凶珠履聲絕

蒼生望窮機返太素勲留區中集作杳杳龍輻瞻言徂

東敬飾薄奠邀神昊穹靈顧來享髣髴聲集作容嗚呼

音

哀哉尚饗



文苑英華卷九百八十

欽定四庫全書

集部

文苑英華卷九百八十一至
九百八十六

詳校官庶吉士臣龍廷槐

助教臣常循履勘

總校官進士臣朱 鈐

校對官助教臣蔡 鎮

謄錄監生臣胡曉春

欽定四庫全書

文苑英華卷九百八十一

宋 李昉等 編

文舊四

祭吏部元郎中文一首 祭壽州張使君文一首

祭揚州常大夫文一首 祭帝炎端公文一首

祭賈尚書文一首 祭相里造文一首

祭滁州李庶子文一首 祭裴尚書文一首

祭李員外文一首 祭陸端公文一首

祭吏部元郎中文

獨孤及

年月日禮部員外郎獨孤及謹以蔬飯壺酒敬祭於

集作

于故吏部郎中元公之靈上士齊死生下士愛生惡死

而惑之知生死若幻而不能忘情於其間者我輩所不

克免始者與公同弔死問生論議亦頗嘗及此豈謂言

未絕口而公又長往昨日經過遽成疇昔何變化之速

乃至於是視不及瞬言不容

集作及

息嗚呼元君今已返

於機夫彭祖殤子同歸於盡豈不知前後相哀達生者

不為嘆公齒髮未老官途方半相視而笑冀前路各有
所展豈圖問濶數日而死生間之竹林如故階塵未掃
惟人琴兩亡影絕響滅清絃豈可復聞承以今辰將赴
瑩闕痛天道之無集作茫昧予豈無言而悲來從中遂集作
遠復抒意匪祭也永以為別也尚饗

祭壽州張使君文

前人

年月日舒州刺史獨孤及謹以清酌嘉蔬柔毛之奠敬

祭

集作薦

于故尚書工部郎中壽州刺史兼侍御史張公

之靈頃者剖符為郡與公隣邑祗役往復日以携手嘗

辱嘉惠愛我則深奈何此集作別後盈魄未周相去無

山川之間纔聞嬰疾遽告不幸古詩禰一息不相知今

而果爾三字集耶別時高論精義在耳袖中尺書灑翰

猶濕而形影驟滅了無還期雖欲效古賢謂悲哀為恒

集作恒非化情莫可遏徒虛語爾惟公貞亮溫毅強學好古

人皆窪而盈曲而全公獨以全真集作接物雖悔恠不

改其度人多求田問舍公獨以百家言為寶藏書至八

千卷而不止以斯道也施於

集作于

有政故其德形於事

業其仁決於百姓楚人壽人如得陽春識者揣公壽與
位偕今也溘然而人何望嗚呼王事拘限會葬莫及思
賢嘆逝執紙涕零苦久要之不我忘也豈不顧饗於今
日蘋藻之奠尚饗

祭揚州韋大夫文

前人

年月日朝散大夫檢校尚書司封員外郎

三字集作郎中

兼舒

州刺史充本州團練守捉使賜紫金魚袋獨孤及謹以

嘉蔬柔毛之奠敬祭于故揚州大都督府長史兼御史大夫淮南道節度觀察處置使韋公之靈王命九伯底綏四方惟公剖符作藩維揚往歲斯民匪迪匪康自公戾止視之如傷飾吏以儒出言有章革剋煩苛載戢暴

強將吏奉之

集作君

若網在綱罔或作威以柰典章

集作帶

民斯輯睦政亦允臧和氣被物豐年降祥天之輔仁公宜熾昌奈何不淑景命遽殃

集作央

百城悼心萬民何望

及忝列城備守封疆獲宥罪戾庇身余光德宇所覆今

也則亡偏思遺愛追蹈一作悼餘芳俛仰興懷望慕淒涼

拘限所職路阻且長遙抒下情旨酒一觴尚饗

祭常炎端公文

前人

年月日司封郎中兼舒州刺史獨孤及前舒州司馬皇

甫曾等謹以清酌庶羞之奠敬祭于故侍御史舒州桐

城縣丞韋公之靈昔公執法柱下某等接足集作武周行

嘗集作常趨後塵飽聽公議及既出守曾後播遷公亦負

謹玷玷字集作熱官辱同官為察之好敢不知孝弟忠信強毅

正直樂善惟恐不及嫉惡不盡集作去不止分枉直於心

職集作識

以澄清為己任形於造次發於自然謂必眉壽

且鍾介福奈何強仕

集作壯

之年大才先謝志業所趨未

申萬一有生之涯溘然永已慈親羸老弱子未齒反葬

無望委體

集作骸

他山等為歸真難

集作艱

痛太甚天不我

弔哀有何極某等頃嘗以樽酒豆肉邀君同歡今之所

獻猶前樽也但夙昔志氣比來話言遽恚冥漠無非夢

想往既不及來莫我

集作可

追猶持此樽

集作莫

以抒永別

至苦

集無此
二字

天闕之痛夫復何言尚饗

祭賈尚書文

前人

大曆七年四月二十一日朝散大夫檢校尚書司封郎
中兼舒州刺史賜紫金魚袋獨孤及謹以清酌庶羞之
奠敬祭于故散騎常侍贈禮部尚書賈公六兄之靈嗚
呼性命之源仲尼罕言頃者與兄存而勿集作不論亦謂
景福必鍾德門未虞昊天驟忍我斯集作欺是所以分手容
易前期日往書札祗嗟別離孰云別中死生間之賈生

謫去遭世不用以命問鵬千古猶痛兄逢盛時任適梁

棟青雲咫尺巨鱗始縱溘爾中止俄同大夢天下孤望

非兄誰慟追念夙昔嘗陪討論總集作終覈微言揭厲孔

門匪究枝葉必探本根高論拔俗精義入神誓將以儒

訓齊斯民文章陵夷鄭聲奪倫兄於其中振三代風風

復為朴集作復
離為朴正始是崇學者歸仁百川相宗集作如
川朝宗

六義炳焉自兄中興大名全才儀刑百工嗚呼彼天胡

不祐焉集作賢闡茸讒諛或錫永年好學不幸繁兄復焉

集作然

豈天地不仁將斯民薄祐顛顛之望見奪何遽某

獲見於兄三十有六年矣兄有十七

集作七

年之長蒙以伯

仲相視博文約禮為

集作謂

仁由已同心之言期於沒齒

前後尺牘羅列案几悃悃清論恍恍在耳一旦如失萬

年

集作事

遄已民之所望今也胡俟某守職拘限會喪

集作

塋願乖白馬素車欲往無階寢門一號心酸骨悽容徽

自此永不復見若魂魄無不之也豈不覩平生心於今

日斗酒之奠乎尚饗

祭相里造文

前人

年月日舒州刺史獨孤及謹以清酌之奠敬祭于河南
少尹贈禮部侍郎相里公之靈嗚呼往歲嘗與公度論
死生變化豈不知身與萬物悉當歸無猶謂不惑於道
者可以不奪其算豈圖論猶在耳目未及瞬而公度之
身後為異物益知觀化而恒集作恒非自古皆妄而哀來從
中妄豈易遣嗚呼公度有志有文量足韜世善可救物
宰賜言語冉季政事古莫兩大繫公兼之伊昔密薦可

否廷折兇佞京師童兒亦知公名其後江人杭人頌德
不暇洛表耆老僕公而蘇秉公論者無賢不肖孰不謂
公致君致身方自此始奈何吉未會也凶問隨之天下
悼惜士友悽歎况某投分於策名之始並命於剖符之
列久要不忘平生實惟公度是望心同病同集作同我
身子身也子與化往奈我心何名跡留為政集作事語
集作言存乎耳目惟音形渺忽無前期可望每一念至
哀填曾臆往矣公度去我何之勿言一樽永難集作共

持儻肯顧饗表公我思尚饗

祭滁州李庶子文

前人

某月日常州刺史獨孤及謹以清酌嘉蔬之奠敬祭于
故右庶子滁州刺史揚州大都督府司馬兼侍御史隴
西李長夫之靈嗚呼才與上壽并者吾不得見之矣得
見中壽者斯可矣嗚呼長夫曾未半之官不展才事不
如志奄謝昭世溘歸黃泉雖欲茹哀哀可茹乎追惟長
夫行茂神俊孝愛友睦諒直仁勇卓犖夸邁英明曠遠

集作連

文武志略邦家必聞為州治行居百城之最詩賦

歌事窮六義之美休聲喧於里巷佳句被於管絃珪璋

令問中外注耳謂當入拜九卿出分四岳萬人所望一

旦中止行路悼惜豈直同心者之心滄洲長挹之談玉

溪獨往之興兢

集作竟

迫身世永孤志願

集作願言

倘魂而有

知當飲痛泉下往歲滁城之會俱未以小別為感

集作感

臨岐道舊坎坎鼓我酒酣氣振言盡歡甚孰知此際以

是永訣今萬事如昨日

集無日字

書札猶新惟故人音容不

可復見悲莫悲兮生別離况長往之別乎王事拘限莫
由執紼卮酒豆肉後會無期彼蒼悠悠逝者何之長夫
長夫魂兮來思尚饗

祭裴尚書文

顧况

嗚呼天禍甌邦尚書告薨哀哀甌民罷市輟畚何時復
覩盛德形容伏惟尊靈惠和溫恭識洞元龜文掩雕龍
天生大賢叶贊時雍至人厭世寥廓為友精神不留天
地長久谷神不死是曰長生伏料尚書上賓天庭悲號

者何在物之情惟公據道夙負重名爰自成才歷拜通
榮五十餘年侍奉承明隨難西蜀拔身定傾有唐中興
累踐銓衡朝廷擬公三老五更上憂方隅出典百城淺
學自私掩善揚鄙我我尚書近仁不已昔在春宮先我
大國鬱興多士周易有云黃中通理其斯謂乎自我江
潭于今多秩處順保終洗然自逸上官命况糶鹽蛟室
奄居黃泉不見白日顧惟陋賤時承周密感德懷仁何
時終畢神儀超忽靈駕徘徊敬申薄禮以表深哀伏惟

尚饗

祭李員外文

前人

古之哲人銅鞮介山柳下臧文先生企之密邇四隣逢
時不昌與世遭迤先生淵然金碧無塵通識殊倫精義
造神退居江潭節貫松筠皎皎先生蘭言玉聲詞林搖
落天地空春宜與太一上為帝賓若商傳說例列星辰
天將以公經濟生人生人不幸天喪斯文斯文既喪嗚
呼郢匠先生逝矣何人知况如况何人升堂誘進造次

無為樞機必慎跡暢高節心融密印詞不能豁其曾襟
故春容於絕韻而京口歸魂毗陵旅櫬可勝悲哉心喪
自何身役炎洲先生大歸赴哭無由古之達者以生為
浮先生徂征與化同遊四節不畱物無長在寂寂賓階
人遷事改陶潛自祭管輅知終本師瞿曇了達虛空初
命少子昏冠先一作禮兆祭一作深哀疑作聖朝悼歎
儻遂追宗忝友季茂休戚略同北望丹徒山險萬里文
非尺牘鬱塞盈曾想公形容昭况肅恭尚饗

祭陸端公文

前人

維大歷八年正月朔同鄉顧况於永嘉發使具篋蔬野
酌敬祭陸三十二兄端公之靈嗚呼接席之歡俄成奠
酒殊鄉少別杳忽于今牽拘南役遠哭如淚兄秉德居
厚植靈超茂天和發外虛白自內特挺孤操與物去害
惟昔二京群盜縱橫出入十年天下交兵越盜寇吳殺
人燒城國危如此公乃請行我之行焉無往不平擁陣
陵陽廻戈歛右江南山洞畧盡遺醜拒敵先摧羣降獨

受兄之令弟况之良友感激風雲留連詩酒昔魏有人
子方段干兄之所在人心獲安賢者讓平惟患是急兄
之忠勇人莫能及燕將泣書齊師復邑迹為功著名因
義立惟帝念功君門遂通臺閣生風乃憶江東高臨山
中有書滿屋與人共讀有粟如雲與人共分破富為貧
好事日聞靄靄牛潭我我囊嶺開流架迫倒寫烟景今
日淒涼林空夜永人或言吉凶無門我命由我以兄
之才何適不可寧知一旦忽鍾茲禍鴻翔千仞自茲而

金
ノ
ハ
ル
三
三
墮嗚呼哀哉伏惟尚饗

卷九百八十一

文苑英華卷九百八十一

欽定四庫全書

文苑英華卷九百八十二

宋 李昉等 編

交舊五

祭李員外文一首

祭福建李大夫文一首

祭皇甫大夫文一首

祭獨孤常州文一首

祭李祭酒文一首

祭孟尚書文一首

祭劉侍御文一首

祭李處州文一首

祭竇廬州文一首

祭柳侍御文一首

欽定四庫全書

文苑英華
卷九百八十二

祭屯田柳郎中文一首 祭海陵李少府文一首

祭李處士文一首 祭李祭酒文一首

祭薛殿中文一首

為常州獨孤使君祭李員外文

梁 肅

維大歷元年某月日朝散大夫守常州刺史賜紫金魚袋獨孤某謹以清酌之奠祭于故尚書吏部趙郡李遐叔三兄之靈嗚呼疇昔之年接兄討論倚伏之數或尋

其源當

集本文
粹作當

謂仁人百祿滋蕃如何於兄斯道莫存

文粹作斯
莫存焉

嗚呼哀哉惟兄孝友仁恕高明寬裕何德之

茂何才之富粹氣積中暢於四肢發為斯文郁郁耀

一本

作

輝自五百年風雅陵夷假手於兄鬱為宗師乃登憲

闡直以舉之乃列諫臣闕則補之立宗季年戎狄內侮

兄方就養拘

一本
作如

在豺虎氣霧濛濛薄汗我躬雷雨作

解遠身于東帝曰孝哉可移於忠名彰

二本
作居

右掖跡踐

南宮丘明有恥立晏方病清漳閑卧樂道推命哀於大

賢不傳

二本
作享

大年人之不幸夫亦何言在昔賈生見惡

絳灌王佐之用不展於漢我之方行遭世紛亂時塞道

塞

二本作時
運屯塞

古今一貫嗚呼哀哉某以蒙蔽夙承眷惠

義均伯仲合若符契博約乎文章

集作禮

之間

二本
作事

優游

乎性命之際謂得攜手相期卒歲天其喪予君

二本
作兄則

先逝嗚呼哀哉曩自朝列出使持節

文粹作出
持使節

十年離

別一旦存沒吳楚迢遞江山阻越不及歸賻

集作賻文
粹作贈

仍乖執紼寢門一哀魂斷心絕恭承嘉命來牧于常總

帳所

二本
作斯

在哀何可忘鞠然二孤訴彼穹蒼孰謂遐叔

與天茫茫魂兮歸來

二本
作兮

臨此一觴嗚呼哀哉尚饗

為獨孤常州祭福建李大夫文

前人

年月日具官某謹以清酌之奠敬祭于故福建都團練使李公之靈嗚呼宗祐儲祉元純降氣炳靈於公才全

德充寬仁愿恭高朗

集作
明

昭融文學政事儀刑王風帝

謂叔父閩實下國出作侯伯導之以德內撫罷人外攘

劇賊文武為憲柔嘉是則我教用宣我民既安行登巖
廊為國羽翰彼高者天胡莫祐賢人之云亡曾不永年
嗚呼哀哉某往忝諫臣在公下列周旋獻納以日繼月
海運方遠搏風未歇不慮不圖音徽已沫暮律嚴苦降
霜肅殺臨岐一觴以抒慘怛嗚呼哀哉尚饗

為獨孤郎中祭皇甫大夫文 前人

年月日具官某謹以清酌之奠敬祭于故浙西東觀察
使皇甫公之靈古人有言智仁及勇是謂達德大夫蹈

之以衛王國乃昔天步未夷六師徂征嘗扞牧圉戡彼
醜虜勇也及夫官豎擁兵窺伺樞密公沉謀內斷輔德
不穢智也分陝牧越統戎鎮俗承其風者莫不寧息仁
也議者謂公方為國翰垣為人父母宜錫難老荷茲介
福命之倚伏曾是不淑豈夫天所集作奪人所欲大旆
長轂東征不復如彼魯侯往歌來哭嗚呼哀哉某頃與
公相遇於斯今也言歸投帛於斯泛泛方舟旋集作載
裳惟晏晏集作昔晏言笑今成涕洟道路遠而音塵絕而吉

酒一觴惟靈享思嗚呼哀哉

祭獨孤常州文

前人

大曆十二年歲次丁巳五月朔日門生安定梁肅謹以
清酌庶羞之奠敬祭于故常州刺史河南獨孤公之靈
嗚呼間氣炳靈降生哲人何辜令人而喪斯文豈上天
不仁道之將廢奚盛德之淳懿忽中年而下世蹈得仁
之機顏子不幸負王佐之才賈生屏外其明尚晦其用
未大歲舟遽移梁木斯壞嗚呼哀哉追惟哲人應運而

生行在五常志在六經博厚溫良直方而明天縱多才

蔚為時英孔門四科洪範三德惣於公躬率履不忒頌

聲既微鄭衛亦集作橫塞或游或僻時億公當其時

載振其維憲章典謨為學者元龜文哉郁乎文實在茲

伊昔策名東堂作尉西華銘仙掌與函谷馳休聲於天

下逮乎拾遺君前考禮太常獻可之詞直而含章建言

削藁故海內莫揚旋議廟祧乃正謚法享帝之禮終焉

允洽名正言順事深體合垂後可大賢人之業起草剖

符出臨濠舒二邦之民僕我而蘇愷悌之化風行露濡
蘭陵之郊人散政弛清淨之德下車則治比迹邵父視
人如子闔境熙怡有禮知恥朝思黃霸人仰安石霄漢
在目巖廊咫尺不畱不處坐而遐舉不慮不圖忽焉傾
徂遐邇震駭士民號呼罷市輟春相弔路隅嗚呼哀哉
顧惟小子慕學文史公初來思拜遇梅里如舊相識綢
繆慰止更居恤貧四稔于此常謂肅曰為學在勤為文
在經勤則能深經則可行吾斯願言勉子有成又曰文

章可以假道道德可以長保華而不實君子所醜敬服

斯言敢忘永久若乃室中函丈之席林下清觴之醯陪

李膺之泛洛從叔子之登岷丞承國士之遇又忝公車

之薦奉明誠以周旋盡深衷於眷盼惟吉凶之倚伏若

糾紛之相纏追子鵬集作庚子之占日應康成之夢年不云

坐奠不暇撤懸秦醫匪集作靡救丘禱徒然瞬息之間音

容莫傳痛心驚骨不可問天嗚呼哀哉平居所好脩竹

芳草暇日之娛左琴右書微言雅典集作曲斷而集作一斷不

續高齋已空蘭蕙猶馥門人行慟稚子抱哭語

集作話

言

在耳悽慘滿目嗚呼哀哉覽遺編以流淚

集作涕

痛明德

以集作

無還撫諸孤之尚藐庶盛烈之斯存鄉路千里

歸期九原寄觴豆以寫心見平生之厚恩嗚呼哀哉

祭李祭酒文

前人

年月日守右補闕安定梁肅謹以清酌嘉蔬之奠敬祭于故國子監祭酒贈戶部尚書李公之靈惟公之德柔嘉惟則敬義且直惟公之才文武是該不矯不回剖符

七郡風行雨潤有禮有訓連撫二藩如江如漢之屏之

翰敷聞帝庭爰用陟明乃拜司成是親

集作勤

是行時則

不幸遘茲大病薨於道路孰識天命嗚呼哀哉追想曩

昔大厯之中獲見君子吳江之東靡適不隨無會不同

于山于水于野于寺提攜宴喜荏苒半紀公鎮南方奄

征江黃乖離兩鄉道阻且長惠而好我簡牘相望于囊

于箱厚意是將淑人君子懷允不忘繆繫纒組列于朝

序望公之來寤寐斯佇方期款遇爰笑笑語豈意長往

集作逝

終焉莫睹寢門一慟

集作哀

意折神沮誰云少別使

是今古嗚呼哀哉古人所稱曰仁與誼君子之道在功
與事邦憲之雄元侯之貴存有盛美歿有遺懿所恨伊
何壽猶未至所悲伊何人失其庇嗚呼哀哉九原連連
乃在三原日月有時宅兆攸安某近職是拘執紛無緣
寄陳薄酌有慟何言嗚呼哀哉尚饗

為雷使君祭孟尚書文

前人

年月日具官某謹以清酌之奠敬祭于故福建觀察使

兵部尚書贈右僕射孟公之靈嗚呼上天

集作天之

不仁公

薨于位岳鎮傾圮士林殄瘁追論茂德忠敏恭懿仰惟

盛才文學政事昔在天寶濫觴登朝爰自

集作洵

中興鴻

飛乃高入覲京師出司藩條便繁中外聞望光昭我后

統天式張百揆公居右轄實物惣聯事推轂西郊兵符攸

寄俄被

集作服

蟬冕為王近侍無諸舊城人竊地僻詔曰

爾諧出作侯伯敷求民瘼宣布王澤嶺表海壖夷風載

革天下謂公耆德盛名宜登岩廊為國老更方期

集作朋

三壽忽夢兩楹天實不遺人誰仰成爰因集作自七閩歸

于九京當時大旆今也明旌嗚呼哀哉某自官學則趨

明哲邦憲府庭再參下列周旋惠好以日繼集作繫月不

慮不圖有存有歿皇恩軫悼寵光集作贈昭晰邦人怨思

祖奠悽愴談笑如昨音徽永昧臨歧一觴以抒慘怛嗚

呼哀哉尚饗

為杜尚書祭劉侍御史文 前人

惟公天挺貞淳肅恭溫仁以禮立志以道藩身惟靜惟

動克儉克勤正直自立邦家必聞久侍禁闈嘉名益振
上曰爾才監戎于閩身許九重禮達三軍軍中協睦罔
或不親朱紱煌煌映于銀章方期奏報歸侍天王外迫
炎瘴內纏膏肓不永斯年今也則亡浮江涉淮遠空舊
疆丹旄翩翩言過維揚某早接公游仍弔公喪追懷宿
昔感涕沾裳秋日悽悽浮雲無光敬陳薄奠悲塞中腸
嗚呼哀哉伏惟尚饗

祭李處州文

前人

年月日淮南節度掌書記殿中侍御史內供奉梁肅謹
以清酌庶羞之奠敬祭于故處州刺史隴西李公之靈
和氣訢合乃生靈芝乃流醴泉降于人倫是為俊賢猗
歟李公有德有言煌煌九葩澹澹一源弱歲含章典教
弘文聞喜太丘遺愛斯存于越于宣先在西集作西藩名
高集作登蘭臺風動輜軒濯纓歸朝再踐郎官鴻鵠入冥
白雲在天或謂盛才宜管絃綸潤色謨訓以垂後昆官
無中人吾道不興留滯周南退守恭陵剖符于處美化

斯弘雲油露濡山靜江澄解印歸來耆槩是卜龍沙游

衍餘千耕鑿與道為徒以農代祿河洛識緯桓譚不

集作

之學草玄法言揚雄有作志一窮通身安淡薄遇酒便

醉工文且博脫遺形骸奄就冥漢士友殄瘁翰林凋落

嚶

集作

一鳴既合久要乃申四海兄弟如公幾人公去南

州角巾衡門予集艱棘哀悼苦辛眷恤何深弔問慙慙

江湖眇然書札相因方期歲暮以德為隣今也則亡吾

誰與親鄧攸無嗣桑扈反真天道茫昧誰云與仁嗚呼

哀哉我圖其室得公之出相維茂族于以約吉眷彼三星成之不日魂而不亡知此親昵嗚呼哀哉季奉裳惟九原是歸葬於洛表路出淮夷平生歡愛一慟申悲已矣夫子忽乎何之旨酒盈樽幽明此辭尚饗

為杜東都祭竇廬州文

前人

年月日具官某謹以清酌之奠祭于故廬州刺史扶風竇公之靈嗚呼惟天難謀惟命罕言倚伏同域吉凶一門公之茂行廉直而溫公之達才卓爾不群保身以正

為政以仁宜錫難老

集作壽考

以庇斯民如何降凶奄忽反

真伊昔登朝厥猷則茂柱下執法南宮草奏赤縣浩穰
四方輻輳惟公下車善政俄報廬江曠守人或未康惠
君既來美化洋洋治而有禮俾人知方予忝庶問實知
循良將以上聞冀殊寵章命之不淑曾是隕喪嗚呼哀
哉追想曩昔接公周旋惠好斯存如蘭如荃間者睽濶
東西累年會遇于茲談笑依然別未集作來數旬遽歸九
泉孰為福善殲此仁賢官守所羈祖莫無緣寄誠薄酌

有恨何言嗚呼哀哉尚饗

為人祭柳侍御史文

前人

年月日具官某謹以清酌庶羞之奠敬祭于故侍御史
柳公之靈惟公以孝友承家以直方從政以溫厚行已
以敬讓與人作椽大邦有親信之稱典司通邑著循吏
之名冠惠文佐庶問輜軒所指吏肅風變列郡攸攝斯
人以寧方將荷餘慶而介景福播令名而延大耋天不
與善命也有終士林怛集作相駭親友歎歎嗚呼哀哉某

等獲與公游聯職戎司適云少別俄見凶歸予以設奠
出乎郊歧魂也何之幽明此辭嗚呼哀哉尚饗

祭屯田柳郎中文

權德輿

維建中二年歲次辛酉某月朔日試右金吾衛兵曹參
軍權德輿謹以清酌時羞之奠敬祭于故屯田郎中柳
公之靈在集作有漢理平子陵退耕運鍾明時公遂性情
典校司諫使蕃清秩南宮之拜詔書三出中朝虛左公
志不屈優游化源消息心術四時芬芳百鍊精剛德充

於中用晦彌光是非萬殊不滑其常和易內蘊發於文章性命之際希夷之域理無不窮言必冥極救彼文勝作為典式扶教立言實在清德時方逐進公則尚退文

武

集作人或

外獎公則理內獨立不惑以身矯世萬頃淵

然孰知其際顧惟小子猥奉音徽賞則過實勗常中非日想德容心存清機今則不見涕流沾衣嗚呼哀哉人世則異清風不匱縹帳寥寥泉臺下閔常聞福善今也無嗣立命如何斯文其墜尚饗

祭海陵李少府元易文

前人

維建中三年歲次壬戌某月朔日試右金吾衛兵曹參
軍權德輿謹以清酌庶羞之奠敬祭于故海陵縣尉李
君元易之靈我得元易于茲三年粹秀清和仁義在焉
行有餘裕其文燦然五字之中含寫風煙巖扉舊隱常
聞清興諸生討論雅有時稱初與盧羣德倫
同隱居于燕山理實歸研
境無外勝嘉招既至虛中以應從容解巾作尉江濱退
以直道進無其人性志彌篤郊居食貧衡茅之下孤石

藜筠連牆者何則有元鈞

元鈞名崙君之族父

探味玄奧踈適心

神晚獲觀止心乎愛矣扁舟往復就館于子靜賞烟霞

深窮名理友直友諒惟君是以

集作已

行不容苟必俟良

工棧繫絕足櫝閉鋤鋒竟嗟不試一命淪躓身沒跡晦

靡申素志惟富與壽君則不至人皆有子君獨無嗣總

惟飄飄靈坐深閔幽顯此殊嗚呼元易尚享

祭李處士穰子文

前人

維貞元二年歲次景寅十月朔日試右金吾衛兵曹參

軍權德輿謹以時羞之奠故祭于故李處士十六兄之
靈惟先吏部文德冠時天下翕然有所宗師鍾美於兄
式克似之爰自穉歲澹然清姿惟我與兄世有舊歡應
若埴篔芳若芝蘭居易處厚中明外寬發於濬源激為
清瀾放懷外物清機善詭討論不倦名教為樂迭用古
義以相博約先王觀風命史陳詩雅南之後其道日醜
騷楚怨思王風澆夷升降之儀與代相隨國朝數公稍
振舊風兄實求已服勤於此數陳麗則不野不史含寫

佳境優游精理七發未終俄驚不起追惟前年訪我由

集作

拳握手開襟慙歎言孰謂此訣死生間焉今我

來斯舊館依然文伯既沒敬姜哀慟子敬下世薇之永
痛嗚呼哀哉流形賦命孰主張是昏窳闡茸或壽或貴
方直清明乃天乃否如何斯人才命不侔未室未仕溘
與化俱志業靡申沉痛泉壚福善與仁胡其忽諸嘉穀
在籩旨酒在壺寄此一慟汎瀾涕濡尚饗

祭李祭酒文

前人

維貞元七年歲次辛未五月朔日故吏前江南西道觀
察支使監察御史裏行權德輿謹以清酌時羞之奠敬
祭于故國子祭酒李公之靈伏惟峻閥洪宗有勞有忠
光耀北朝黎申繼封世名清純以至先公彌綸盛時德
位昭融文武吉甫克嗣其風儲慶發淳擇乎中庸天寶
中年仕無異門講道積學五經綸紛以能詔集作設非官校
理秘文溫若玉質郁如蘭薰絃琴戔戔擁傳麟麟兩無
留事並著嘉聞題輿佐理剖竹為政均彼化條簡其徵

令風行草靡飲和發咏難理之時四封謐靜累遷大郡
亦佐成師宣其馨香蠲彼禬疵時有行止道無磷緇虛
中十年觀我靈龜大君嗣位推擇良守乃眷上游作藩
夏口報政獻功察廉一方再扞大憝以完南邦盡殪舟
師王旅乃張衆寡相懸以律而臧就加副相乃鎮西江
來懽去懷金石洋洋剛柔全德蹈履不忒外無墻藩之
峻中踐夷坦之域為仁由已率誠不飾播厥美利根於
易直災去水火人滋衣食流庸胥附生齒益息亦既七

年慰安斯人冲用知止封章乞身朝典崇儒徵拜成均

遽歎夢奠俄驚返真猥以蒙蔽再塵盛府重問緝禮蓬

茨之下惠愛博一作悼非約深誠見與左右彌縫愧無所取

九江拜手浹日前期如何奄忽過隙生悲羊公峴首良

會無時庾亮樓中永絕清機前歡幾何圓魄纒缺承計

長慟潺湲涕咽返葬迢遞西周古原柳車芻靈飛旒翻

翻體魄則降德馨長存拜奠心碎難酬舊恩尚饗

祭薛殿中文

前人

維貞元七年歲次辛未某月朔日
前監察御史裏行權
德輿謹以清酌庶羞之奠敬祭于
故殿中侍御史薛七
兄之靈有生必化大鈞之方盛極而衰乃理之常又曰
善慶鍾為福祥今則繆盭天乎茫茫追惟明靈夙播馨
芳解巾相府累冠神羊清明之用百鍊堅剛麗藻之文
六律鏗鏘閱言婉婉令問章章靖恭端和休有耿光纒
踰強仕未踐周行衆情顛然日遲寯翔早維通舊已飮
馨香晚忝嘗集作常察載換星霜府庭同舍居室鄰牆切

劇惠愛何可弭忘憶昨從公沿泛長江賓榻初散雲帆
並張晨登佛廟晚眺魚梁善謔理窟清言智囊既濟江
浦俄驚府喪同歡未幾今也則亡古稱臧孫德遠流長
遽歎伯道永絕蒸嘗嗚呼不膺難究蒼蒼上歸元冥集作
無莫下閔幽荒呼天者兄晝哭者孀琴書已矣行路悽傷
柔嘉備遠澄齊滿觴神其格斯揮涕浪浪尚饗

文苑英華卷九百八十二